

zapiska stajił njejsym; jich twórba tež ničo wosebiteho na sebi nima a móže so lědma skepsać.

Město kóncowkow -ski a -'ański maju na nawječernej stronje Delnjeje Łužicy a to wosebje w Kalawskim wokrjesu wosobinske přidawniki wjacorych tamnišich wjesnych mjenow kóncowku -'any, a, e, na. př. Radušany a, e = ddd. Radusch-er, Lěžany, a, e = ddd. Lehd-er.

Najwjětši džěl tutech wosobinskih přidawnikow pak so w Delnjeje Serbšćinje porjadnje do tychle třoch skupinow rjaduje:

a) přidawniki na -ojski maju:

- 1) mjena na -ojce : Gólkojce — Gólkojski
- 2) „ na -ow-owy : Łukow : Łukojski — Bórkowy : Bórkojski
- 3) „ na -k (ka-ko)-ki; : Kałk : Kałkojski — Klěšnik : Klěšnikojski — Kóšynka : Kóšynkojski — Górańki : Górańkojski
- 4) „ na -owk, -owka -awka : Liškowk : Liškowkojski — Grabowka : Grabowkojski, Dubrawka : Dubrawkojski

b) přidawniki na -inski (iński) : a ynski (yński) tworja:

- 1) mjena na -in, yn : Gubin : Gubinski — Gólašyn : Gólašynski
- 2) „ na -iń, yń : Dobryń : Dobryński
- 3) „ na -ina, yna : Bukowina : Bukowinski — Břazyna : Břazynski
- 4) mnoh. mjena na -iny, -yny : Chméliny : Chmélinski. Břazyny : Břazynski

c) přidawniki z wukóncem -'ań ski maju:

- 1) mjena na -oje -owe : Buchoje : Buchojeański — Bukowe : Bukojeański
- 2) mjena na -ojna : Bukojna : Bukojńański
- 3) „ na -inka -ynka : Bukowinka : Bukowincański. Břazynka : Břazyncański.

Tuž njeběše trjeba, w alfabetiskim zapisku wšitke tele přidawniki wosebiće mjenować, wšako móža sebi je naši spisowaćeljo po tutom zawodnem rozložanju bjez dwěla sami prawje na ludowe zwučenje zestajeć; tola pak sym někotre bóle wuznamne na pokazku do zapiska sobu zarjadował.